



**Andreæ Vallensis Vvlgo Del Vavlx Andanensis, I. V. D. Et
In Alma Academia Lovaniensi SS. Canonum Professoris
Ordinarii, Paratitla Ivris Canonici Sive Decretalivm D.
Gregorii Papæ IX. Svmmaria Ac ...**

Delvaux, André

Coloniæ Agrippinæ, 1686

5. An & quando obliget præceptum Contritionis.

[urn:nbn:de:hbz:466:1-62177](#)

cessarius, sed sufficiat causalis seu qui est in voluntate, arg. can. Si propterea 28. can. Sic cui 30. De penit. Dif. 1. tamen & ille admodum utilis ac bonus est exemplo Davidis, Petri, Magdalena. Nihil nivitatum, & aliorum. Quamvis etiam utilissimum sit de singulis peccatis mortalibus contritionem elicere, singulaque detestanda sint, ac de illis dolendum, juxta illud Esaiæ 38. Regreditabo tibi omnes annos meos in amaritudine animæ meæ: non tamen id absoluere necessarium est, sed sufficit unicæ actu contritionis simul omnia peccata, post examen occurrentia, detestari: ut patet ex eo, quod traditur, peccatorem in momento posse justificari, juxta illud Ezech. 33. In quacumque hora conversus fuerit & ingemuerit peccator; relatum in can. Ponderet. Dif. 5. & juxta can. 3. De penit. Dif. 7. Quod falsum est, si pro numero peccatorum mortalium numerus actuum doloris requireretur. De modo acquirendi contritionem vide Conc. Trid. Sess. 14. c. 5.

§. V.

An & quando obliget præceptum
Contritionis.

1. Contrito de necessitate est præcepti & mediis.
2. Non obligatur quis statim à commissio peccato ad contritionem.
3. Præceptum contritionis quando obliget sub peccato mortali.

Contritionem peccati esse necessarium necessitate præcepti simul & mediis colligitur satis ex Conc. Trid. Sess. 6. cap. 14. & Sess. 14. cap. 4. ubi definit, contritionem omni tempore fuisse necessarium peccatoru ad justificationem; vindicans se loqui de utraque necessitate: & ex illo Lucæ 13: *Nisi paenitentiam habueritis, omnes simul peribitis.*

2. Et licet optimum accutissimum sit, statim commissio crimen conteri, juxta illud, *Non tardes converti*: tamen cum præceptum contritionis, sicut & confessionis, sit affirmativum, non obligatur perpetuum, sed solum determinato tempore; ut & reliqua præcepta affirmativa. Ideoque non obligatur homo sub peccato mortali statim post commissum peccatum ad contritionem, quamvis commoditatem habeat illam elicendi. Eius tamen dilatio sine causa, quæ nulla esse potest, circumstantia est aggravans peccatum commissum.

3. Obligat verò præceptum contritionis sub peccato mortali in periculo salutis animæ vel corporis: veluti in gravi infirmitate, in periculo, instanti naufragio, dum incundum est prælium, aut instituenda longa & periculosa navigatio, v. g. in Iodiam; dum Sacramentum aliquod est administrandum vel suscipiendum.

§. VI.

De Confessione.

- 1.2. Confessio quid sit; & minister illius.
3. In eo requiritur potestas ordinis & jurisdictionis.
4. Proprios Sacerdos in hoc Sacramento qui dicatur.
5. Nullus audiri confessio potest, nisi approbatus ab Ordinario.
6. In mortis articulo vel alio periculo quilibet sacerdos absolvere potest.
7. Aliorum sacerdos approbatus ex licentia propria audiare confessiones potest.
8. De casibus Romano Pont. reservatis.
9. De casibus Episcopo reservatis.

Secunda pars integralis P. contenta est Confessio, quam jure divino omnibus post Baptismum in mortale peccatum lapsis, necessariam esse, atque à Christo ipso institutam (Joan. 20. illis verbis, *Accipite Spiritum Sanctum &c.* & Matth. 16. & 18. *Quodcumque solvitur super terram &c.*) definit ac docet Conc. Trid. Sess. 14. c. 5. & can. 6. 7. & 8. Unde facile refelluntur opiniones quorundam, apud Gloss. in summa Dif. 6. De penit. aliter de hujus institutione sentientiam.

1. Est autem Confessio sacramentalis; de qua hic agimus; peccatorum suorum sacerdoti proprio ad eorum sacramentalem remissionem obtinendam facta declaratio.

Dicitur peccatorum suorum, ex c. Omnes utrūque 2. h. t. in verbis, *omnia sua solius peccata.*

2. Dicitur, Sacerdoti: nam eum solum esse, ministrum hujus Sacramenti definitum est in Conc. Lateran. Florent. ac novissimi Trid. can. 6. & 10. Colligiturque ex prædictis verbis Christi Joan. 20. loquentis solis Apostolis, & sic solis sacerdotibus; & Matth. 16 & 18. ubi similiter non omnibus, sed solum Petro & Apostolis promissæ sunt claves regni celorum.

3. Dicitur.